

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 07/10 i 3/23), člana 37. stav (1) i člana 52. Zakona o izvršavanju Budžeta Zeničko-dobojskog kantona za 2026.godinu („Službene novine Zeničko-dobojskog kantona“, broj: 24/25), na prijedlog Ministarstva za prostorno uređenje, promet i komunikacije i zaštitu okoliša-Kantonalne direkcije za ceste, Vlada Zeničko-dobojskog kantona, na 132. sjednici, održanoj 12.06.2026. godine, d o n o s i

O D L U K U

o usvajanju Programa utroška sredstava Ministarstva za prostorno uređenje promet i komunikacije i zaštitu okoliša - Kantonalne direkcije za ceste, pozicija „Kapitalni transferi drugim nivoima vlasti - Izvor 10“ Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava u razdjelu 19 - Kantonalna direkcija za ceste, budžetska organizacija 03, potrošačka jedinica 0001, ekonomski kod 615100 – naziv pozicije „Kapitalni transferi drugim nivoima vlasti-Izvor 10“ Budžeta Zeničko-dobojskog kantona za 2026. godinu, koji čini sastavni dio ove odluke.

Član 2.

(Način realizacije sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo za prostorno uređenje, promet i komunikacije i zaštitu okoline – Kantonalna direkcija za ceste i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-11781/26

Datum, 12.06.2026. godine

Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,

1x Ministarstvo finansija,

1x Kantonalna direkcija za ceste,

1x „Službene novine Zeničko-dobojskog kantona“,

1x a/a.

**Program utroška sredstava Ministarstva za prostorno uređenje promet i komunikacije i
zaštitu okoliša - Kantonalne direkcije za ceste,
pozicija „Kapitalni transferi drugim nivoima vlasti - Izvor 10“
Budžeta Zeničko-dobojskog kantona za 2026. godinu**

Član 1.

Svrha ovog programa je da se odobrena sredstva iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj 24/25), sa razdjela 19, budžetska organizacija 03, potrošačka jedinica 0001 – Kantonalna direkcija za ceste, ekonomski kod 615100 – naziv pozicije „Kapitalni transferi drugim nivoima vlasti“ Budžeta Zeničko-dobojskog kantona za 2026. godinu, pod nazivom „Program utroška budžetskih sredstava za realizaciju kapitalnih projekata drugim nivoima vlasti iz oblasti cestovne infrastrukture Zeničko-dobojskog kantona“ u iznosu od 3.423.820,35 KM (slovima: trimilionačetiristinedvadesettriiljadeosamstotinadvadeset i 35/100 konvertibilnih maraka), koriste za realizaciju projekata iz oblasti cestovne infrastrukture, a sve u vezi sa Strategijom razvoja Zeničko-dobojskog kantona za period 2021. – 2027. godina.

Član 2.

Visina sredstava utvrđenih ovim programom iznosi 3.423.820,35 KM (slovima: trimilionačetiristinedvadesettriiljadeosamstotinadvadeset i 35/100 konvertibilnih maraka).

Član 3.

Izvor sredstava: Budžet Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), u razdjelu 19 - Kantonalna direkcija za ceste, budžetska organizacija 03, potrošačka jedinica 0001, ekonomski kod 615100 – naziv pozicije „Kapitalni transferi drugim nivoima vlasti“, pod nazivom „Program utroška budžetskih sredstava za realizaciju kapitalnih projekata drugim nivoima vlasti iz oblasti cestovne infrastrukture Zeničko-dobojskog kantona.

Član 4.

Kriteriji raspodjele: raspodjela sredstava za realizaciju projekata iz oblasti cestovne infrastrukture Zeničko-dobojskog kantona izvršit će putem Javnog poziva za realizaciju kapitalnih projekata iz oblasti cestovne infrastrukture Zeničko-dobojskog kantona koji se odnose na rekonstrukciju i sanaciju lokalne cestovne infrastrukture od turističkog i drugog značaja za lokalnu zajednicu, na povećanje sigurnosti kretanja pješaka u saobraćaju, kao i otklanjanje arhitektonskih barijera s ciljem poboljšanja mobilnosti invalidnih lica. Osnovni kriteriji za raspodjelu sredstava je vlastito učešće općine/grada u realizaciji projekta, kao i stepen pripremljenosti projektno-tehničke dokumentacije za realizaciju projekta, a sve u skladu sa Zakonom o prostornom uređenju i građenju Zeničko-dobojskog kantona i Zakonom o cestama FBiH. Također, izvršit će se transfer Gradu Zavidovići za sufinansiranje projekta „Izgradnje kružne raskrsnice Krivaja”, na spoju regionalne ceste R465 Zavidovići-Maglaj i magistralne ceste M-17.1 Živinice-Žepče.

Član 5.

Korisnici sredstava su gradovi i općine na području Zeničko-dobojskog kantona.

Član 6.

Distribucija sredstava iz člana 2. ovog programa vršit će se na osnovu provedenog Javnog poziva za realizaciju kapitalnih projekata iz oblasti cestovne infrastrukture Zeničko-dobojskog

kantona u kojem će biti definisani kriteriji za dodjelu sredstava, izuzev za sredstva iz tačke 4. člana 9. ovog programa.

Član 7.

Za realizaciju sredstava po ovom programu zadužuju se Ministarstvo za prostorno uređenje, promet i komunikacije i zaštitu okoline - Kantonalna direkcija za ceste i Ministarstvo finansija, svako u okviru svojih nadležnosti.

Član 8.

O utrošku sredstava po ovom programu, Ministarstvo za prostorno uređenje, promet i komunikacije i zaštitu okoline - Kantonalna direkcija za ceste dužna je polugodišnje izvještavati Vladu Zeničko-dobojskog kantona.

Član 9.

Raspodjela planiranih sredstava prema vrsti projekata data je u tabelarnom prikazu:

R. br	Opis	Planirana sredstva/KM
1.	Rekonstrukcija i sanacija cestovne infrastrukture od turističkog i drugog značaja za lokalnu zajednicu	2.623.820,35
2.	Povećanje sigurnosti kretanja pješaka u saobraćaju – izgradnja pješačkih staza/trotoara	400.000,00
3.	Otklanjanje arhitektonskih barijera s ciljem poboljšanja mobilnosti invalidnih lica	150.000,00
4.	Transfer Gradu Zavidovići za sufinansiranje projekta „Izgradnje kružne raskrsnice Krivaja”, na spoju regionalne ceste R465 Zavidovići-Maglaj i magistralne ceste M-17.1 Živinice-Žepče.	250.000,00
UKUPNO:		3.423.820,35

Broj: 02-11-11781/26

Datum, 12.06.2026. godine

Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,

1x Ministarstvo finansija,

1x Kantonalna direkcija za ceste,

1x „Službene novine Zeničko-dobojskog kantona“,

1x a/a.